

lenissime arcuatis, fortiter spinulosis; tarsorum posticorum articulo primo secundo duplo fere longiore et tertio primo vix brevior.

« Nov. gen. divisionis *Pilophoraria*-mihi (n. div. ined.). Gen. *Myrmicomimo* REUT. n. g. ined. (*) (typus: *Globiceps variegatus* COSTA) valde affinis, differt clypeo basi a fronte impressione discreto, loris haud totis oclclusis, rostro coxas anticas haud superante, antennarum articulo secundo lineari, apice haud clavato et duobus ultimis simul sumtis fere brevior, pronoto margine apicali incrassato, sed strictura apicali annuliformi discreta destituto, scutello armato, abdomineque basi fortius constricto. Ceteris valde affinis. Genus insigne et pulcherrimum. » (REUTER).

90. **Myrmecozelotes Lynchii** n. sp.

♂: Rubescenti-fuscus, parum setulosus, capite antice, antennis maximam ad partem, rostro, tibiis anticis totis intermediisque apicem versus et basi cunei subtetaceis, capite postice, pronoto prope basin, spina scutelli abdomineque obscuratis; fascia media hemelytrorum rubescentium ad marginem interiorem interrupta et angustata, alba, quasi in hemelytro singulo maculam subtriangularem fingente. — Lorg. corp. 4,5, cum hem. 5; lat. hum. 4,2 mm.

Caput pronotumque densissime subtilissimeque granulato-punctulata, illud in fronte et antice testaceum, rubro-variegatum, hoc antice valde attenuatum, rufum. Scutellum ad latera basique rufescens, spina nigricanti subrecta valida retrorsum arcuata, obtusa. Hemelytra ad partem sericeo-micantia, apice infuscata, fascia media (vel maculis duabus) fere nivea; membrana dilute fuscescenti, valde iridescenti. Segmentum anale

(*) Genus *Myrmicomimus* REUT. interea publicatum est (vide: *Berl. Ent. Zeitschr.* XXV, p. 178. — 1881).